

**Қазақстан Республикасы Үкіметінің 2001 жылғы 31 мамырдағы N 741 қаулысына өзгерістер мен толықтырулар енгізу туралы**

*Күшін жойған*

Қазақстан Республикасы Үкіметінің қаулысы. 2002 жылғы 21 қазан N 1136. Қаулысының күші жойылды - ҚР Үкіметінің 2005 жылғы 9 наурыздағы N 217 қаулысымен

"Қазақстан Республикасындағы кеден ісі туралы" Қазақстан Республикасының 1995 жылғы 20 шілдедегі Заңына сәйкес және тауарларды Қазақстан Республикасының кеден шекарасы арқылы өткізетін жеке тұлғалар үшін кедендік ресімдеу мен бақылау рәсімдерін оңайлату мақсатында Қазақстан Республикасының Үкіметі қаулы етеді:

1. "Жеке тұлғалардың тауарларды Қазақстан Республикасының кеден шекарасы арқылы оңайлатылған, жеңілдетілген тәртіппен өткізу ережесін бекіту туралы" Қазақстан Республикасы Үкіметінің 2001 жылғы 31 мамырдағы N 741 қаулысына (Қазақстан Республикасының ПҮКЖ-ы, 2001 ж., N 19, 249-құжат) мынадай өзгерістер мен толықтырулар енгізілсін:

көрсетілген қаулымен бекітілген Жеке тұлғалардың тауарларды Қазақстан Республикасының кеден шекарасы арқылы оңайлатылған, жеңілдетілген тәртіппен өткізу ережесінде:

1-тармақтағы "жеңілдетілген және оңайлатылған" деген сөздер "жеңілдетілген, оңайлатылған" деген сөздермен ауыстырылсын;

4 - т а р м а қ т а :

бірінші абзац мынадай редакцияда жазылсын:

"Жеке тұлғалардың тауарларды өткізуінің жеңілдетілген тәртібі кедендік төлемдерден толық босатуды және осы Ереженің 11 және 14-тармақтарына сәйкес кеден баждарының бірыңғай ставкаларын белгілеуді қамтиды.";

үшінші абзацтағы "Жеңілдетілген тәртіппен өткізілетін тауарлар" деген сөздердің алдынан "Кедендік төлемдерден толық босатыла отырып," деген сөздермен толықтырылсын;

5 - т а р м а қ т а :

"Қазақстан Республикасы Мемлекеттік кіріс министрлігінің Кеден комитеті (бұдан әрі - ҚР МКМ КК)" деген сөздер "Қазақстан Республикасының орталық кеден органы" деген сөздермен ауыстырылсын;

8-тармақтағы "жеңілдетілген тәртіппен өткізілетін" деген сөздердің алдынан "кедендік төлемдерден толық босатыла отырып," деген сөздермен

т о л ы қ т ы р ы л с ы н ;

11-тармақтағы "тарифтік емес реттеу шаралары қолданылмастан" деген сөздердің алдынан "Қазақстан Республикасының заңнамасына сәйкес Қазақстан Республикасына әкелуге немесе Қазақстан Республикасынан әкетуге шектеу қойылған тауарларды қоспағанда," деген сөздермен толықтырылсын;

14-тармақ мынадай редакцияда жазылсын:

"14. Қазақстан Республикасының кеден шекарасы арқылы жеке тұлғалар өткізетін жалпы салмағы қоса есептегенде 200 (екі жүз) килограмға дейін болатын тауарларды кедендік ресімдеу, олардың құны 10000 (он мың) АҚШ долларынан аспауы шартымен, осы Ережеге 3-қосымшаға сәйкес кедендік баждардың бірыңғай ставкасы және тарифтік емес реттеу шаралары қолданыла отырып, жеңілдетілген тәртіппен жүргізіледі. Мұндай тауарларды мәлімдеу оңайлатылған нысанда жүзеге асырылады.

Акцизделетін тауарларды және Сыртқы экономикалық қызметтің тауарлық номенклатурасына (бұдан әрі - СЭҚ ТН) сәйкес 01, 2201-2202, 2209, 2401, 2403, 29, 30, 84, 86, 87, 88, 89, 9018-9022, 93, 97 тауар топтары мен айқындамалары бойынша жіктелетін тауарларды кедендік ресімдеу жалпы белгіленген тәртіппен жүргізіледі. " ;

19-тармақ мынадай редакцияда жазылсын:

"19. Жеке тұлғалар Қазақстан Республикасының кеден шекарасы арқылы өткізетін, құны қоса есептегенде 10000 (он мың) АҚШ долларына дейінгі тауарларды (акцизделетін тауарларды және СЭҚ ТН-ға сәйкес 01, 2201-2202, 2209, 2401, 2403, 29, 30, 84, 86, 87, 88, 89, 9018-9022, 93, 97 тауар топтары мен айқындамаларында жіктелетін тауарларды қоспағанда) мәлімдеу олардың жалпы салмағы 200 (екі жүз) килограмнан аспауы шартымен Қазақстан Республикасының кедендік заңнамасына сәйкес тауарлардың транзиті режиміне қойылатын талаптарды сақтап, мәлімдеудің оңайлатылған нысаны қолданыла отырып жүргізіледі. " ;

осы қаулыға қосымшаға сәйкес мынадай мазмұндағы 3-қосымшамен толықтырылсын.

2. Осы қаулы жарияланған күнінен бастап 30 күн өткеннен кейін күшіне енеді

Қ а з а қ с т а н Р е с п у б л и к а с ы н ы ң

Премьер-Министрі

Қазақстан

Республикасы

Үкіметінің

2002 жылғы 21 қазандағы

№ 1136 қаулысына

қосымша

Жеке тұлғалардың тауарларды Қазақстан Республикасының кеден шекарасы арқылы оңайлатылған, жеңілдетілген тәртіппен өткізу ережесіне

3-қосымша

**Қазақстан Республикасының кеден аумағына жеке тұлғалар жеңілдетілген тәртіппен әкелетін тауарларға арналған кеден баждарының бірыңғай ставкалары**

СЭҚ ТН бойынша тауардың коды	Тауардың қысқаша атауы	Кеден баждарының бірыңғай ставкасы (кедендік құнның % - ы мен не ЕВРО - да)
02-21, 23, 25-28, 31-40, 50-63, 68-70	Тамақ өнімдері, тірі ағаштар, іш майлары мен майлар, тамақ өнеркәсібінің қалдықтары, шығындылары, тоқыма материалдары мен бұйымдары, тастан, гипстен, цементтен, асбестен, слюдадан жасалған бұйымдар, қыш бұйымдар, шыны және одан жасалған бұйымдар	2%, бірақ 1 кг үшін 0,02 ЕВРО-дан кем емес
41-43, 90-92 (9018-9022-ден басқа)	Өңделмеген терілер мен былғары; былғары, аң терісі және олардан жасалған бұйымдар; оптикалық, фотографиялық құралдар мен аппараттар, музыкалық аспаптар мен сағаттар	2%, бірақ 1 кг үшін 0,16 ЕВРО-дан кем емес
44-49	Сүрек және одан жасалған өнімдер; қағаз, картон, баспа өнімдері	2%, бірақ 1 кг үшін 0,03 ЕВРО - дан кем емес
64-67, 85	Аяқ киім; бас киімдер, қол шатырлар және т.б.; электр машиналары мен жабдықтары, аппаратура	2%, бірақ 1 кг үшін 0,07 ЕВРО-дан кем емес
72-83, 94-96	Қымбат емес металдар және олардан жасалған бұйымдар; түрлі өнеркәсіптік тауарлар	2%, бірақ 1 кг үшін 0,04 ЕВРО - дан кем емес
71	Табиғи маржан тастар, асыл тастар, металдар, олардан жасалған бұйымдар, бижутерия монеталар емес	2%, бірақ 1 кг үшін 2 ЕВРО-дан кем

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК